



MELISSA

EUROPAEA FOLIA SECUNDO QUOQUE MENSE LATINE EDITA

Editrix responsalis: Diana LICOPPE - Avenue de Tervueren, 76, Tervurenlaan- 1040 BRUXELLIS
Tel.: 734 55 42.

LUDI LATINI AUGUSTIANI

quam mirifici fuerint *p. 24 Ma.*

Ii qui Ludis Latinis Augustanis non interfuerunt sibi fingere non possunt quanta magnificentia celebrati sint. Ianta erat materiarum copia, ut saepe compluribus eodem tempore agerentur. Mira erat rerum varietas; ludi vedebantur latinitatis nudinae, quo sua quisque cuiuscumque generis afferebat, demonstrabat ceterorumque iudicio committebat. Eximia fuit qualitas plerorumque spectaculorum. *Herimorum*

Permulta de ludis narranda essent, nisi exigua pagina complenda tantum superesset hoc in numero. Quare perpauca referemus; cetera inveniuntur in amplioribus commentariis qui divulgabuntur in Voce Latina et fortasse in Vita Latina.

Ubique terrarum sollemnia initialia solent esse plus minus fastidiosa. Hic tamen Valahfridus Stroh rem tam bene excogitaverat ordinaveratque ut fieret spectaculum delectabile. Necessariis enim magistratum optimatumque orationibus interserebantur faceti ludi scaenici. Omnium orationes erant Latinae. Etiam Franciscus Iosephus Strauss, Bavariae praeses, litteras Latinas misit, quas palam legi iussit. Una tamen oratio, a burgimagistro maiore Hans Breuer habita, non fuit Latina. Fortasse ut suae ignorantiae linguae Latinae poenas daret, Valahfridus Stroh eum rogaverat ut ludum scaenicum ipse participaret. Sic factum est ut burgimagister in scaena sederet pallio laneo circumdatus et partes Iohannis Vindelici in ludo scaenico de Augustae origine ageret.

Valahfridus Stroh etiam consecutus est ut ex remotissimis regionibus advenirent legati Latini. Vix necessarium est Albinum Dobsevage nominare, moderatorem Hermae Americani, qui ex America in Europam fre-



AMOR ipse in bellissimum Valahfridi Stroh filiolum incarnatus erat.

quentia itinera facit ad res Latinas participandas. Magis mirandum est Kamuzu Bamba, praesidem perpetuum rei publicae Malawensis, in media Africa ad lacum Nyassa sitae, qui Kamuzu Academiam condidit, ubi discipuli modo collegiorum Britannicorum docentur et omnibus in sectionibus Latine discunt, nonnullos discipulos cum magistro misisse, qui ludos iucundissime participaverunt. Summa tamen admiratione affecti sumus cum vidimus Arituneum Mitzuno, philologiae classicae professorem in studiorum universitate Kiotensi, qui ex Iaponia primum iter in Europam fecerat ad ludos Latinos participandos. Qui vir, Musarum amantissimus, iam ante quindecim annos Latine poetari coepit. Non tantum nonnulla ex suis carminibus dixit, inter quae carmen ad bimillenum Augustae dedicatum, sed longam maximique momenti acroasin de Iaponia habuit.

(sequitur p.2)

" TAURINUM " ET " IUVENTUS" ACRITER CERTANT INTER SE .

Hodie est Dominica extraordinaria : magna pars Taurinensium relinquit domum et cetera negotia et affluit ad Stadium : duae enim turmae eiusdem urbis certabunt inter se maxima alacritate (Derby vocant).

Cum arbiter emittit sibilum inittii, omnes gradus amplissimi Stadii sunt iam referti typhosis, qui emittunt dissonum boatum, agitantes vexilla et sonantes corniculas.

Per primum quartum horae, lusores procedunt velocissimi (sunt enim omnes vegeti viribus) et follis vel radit terram vel volat, propulsus modo ad unam aream portariam, modo ad alteram.

At ecce, fere transacta media hora lusus acris et prementis, ala sinistra Iuventina captat follem quem ei perite direxit medianus, evitat duos defensores Taurinianos, offert follem eleganti ictu tali accurrenti medialae dexteræ, quae rapido ac vehementi ictu proicit follem in angulum portae, dum ianitor, etsi citatissime insiliens, non valet nisi eum praestringere summis digitis.

Tonitrus ingens reboat per Stadium, dum auctor retis, currens huc illuc velut amens et pluries iactans per aerem brachia, vicissim ab uno et ab altero lusore Iuventino cingitur brachiis et fervide basiatur, quasi peregisset gestum heroicum.

Lusus iterum inchoatur, et dum Iuventini nituntur praesertim defendere portam et tantummodo raro irrumpunt in aream hostium velocibus incursionibus, athletae Taurinarii pergunt rabida alacriter premere indefatigati contra rete adversariorum, trahentes secum etiam proprios defensores, ita ut saepe dimidium Stadium maneat desertum et unicus conspiciatur, deambulans placide inter palos portae, ianitor Taurinarius. At integer globus Iuventinus intentissime vigilat, et rumpit quamlibet actionem adversariorum qui, licet crescenti impetu conentur, astutis traiectionibus, apparere occasionem idoneam reti, semper, velut undae maris quae franguntur contra scopulos, frenantur et assidua tenacia repelluntur retro.

Et ecce sibilus arbitri : prius tempus certaminis est transactum ; athletae relinquunt Stadium et Iuventini cursu, Tauriniani contra tardis passibus, recedunt in spoliarium.

Initium secundi temporis. Refecti intervallo, athletae incipiunt lusum velocem, conantes Tauriniani assequi paritatem, Iuventini autem, etsi non intermittentes cautam et ferream vigilantiam suae portae, parati ad fruendam quamlibet occasionem ut augeant numerum retium.

At improviso, medius aggressor Taurinianus, potitus folle, velox ingreditur in aream rigoris et callida simulatione se expedit a mediano sinistro Iuventino, qui conatus erat eum cohibere, sed in ipso momento quo se apparat ad proiciendum follem in rete, ab accurrente tertiano Iuventino deicitur humi apertissima supplantatione. Sibilat arbiter : calx rigoris !

Super totum Stadium cadit repente ingens silentium, et dum athletae se glomerant taciti extra aream rigoris, Taurinianus "rigorista" (ita appellatur athleta qui excellit peritia proiciendi follem in rete adversariorum) deponit follem in circulo, circumscripto

lineola alba, inde retrocedit lente aliquot passibus, postea velocitate crescenti irruit in follem et, simulata declinatione corporis in partem sinistram, eum impingit ictu vehementi in angulum dextrum : goal ! Unum contra unum !

Extollitur a typhosis Taurinianis immanis boatus, dum incipiunt agitari phrenetice vexilla et explodi capsulae pyricae.

Ergo certamen rediit ad paritatem ! Dum autem in caeva Stadii tumultus perguit infrenabilis, athletae redintegrant festinanter lusum, incitati novo impetu et alacritate Tauriniani, impulsu acriore fervore Iuventini.

At dum follis transit velociter ab uno ad alterum lusorem et dum premitur et obsidetur modo una modo altera porta, intentissima vigilantia defensorum impedit quominus follis possit proici in rete. Et iam propinquat finis secundi temporis, cum follis impingitur incaute a lusore Tauriniano ultra lineam extremam Stadii, ideoque decernitur calx anguli pro Iuventinis.

Volat follis, apte impulsus ab ala sinistra, et inclinatur in proximitate portae, ubi densantur athletae utriusque turmae ; inter ceteros, agili saltu emergit medianus Iuventinus, qui vehementi et callido ictu capitis percutit follem eumque impingit "imprensabilem" in superiorem angulum dextrum portae : goal ! Hac vice, totum Stadium explodere videtur : clamant insanientes laetitia typhosi Iuventini, se invicem complectentes et quassantes sua vexilla et vexillula, dum contra una pars typhosorum Tauriniorum rumpit in exsecrationes et blasphemias, altera vero, quasi percussa fulmine, assidit muta in gradibus, velut si eos perculisset extrema calamitas.

Et ecce, post pauca minuta, sibilus finis.

Omnes athletae repente consistunt, inde contendunt ad spoliarium, dum interea typhosi Iuventini, gestientes infrenabili gaudio, invadunt pacifice Stadium atque turmatim iactant ad aerem vexilla et elatis vocibus celebrant victoriam turmae cordis.

Guido ANGELINO.

LUDI LATINI AUGUSTANI (sequitur)

Conditorum Iani Novak et Valahfridi Stroh sententia, Ludis Latinis lingua Latina cum arte musica artissime coniungantur oportet. Quod mirum in modum Augustae factum est. Cottidie Georgius Leonhard carmina Latina quae Ianus Novak modis musicis instruxit cantu communi docebat. Vespere factae sunt acroaseis musicae, quarum una in memoriam Iani Novak. Culmen ludorum fuit Horatii Carmen Saeculare, lyricis concentibus a F.A.Philidoro (1726-1795) restitutum, quod Musici Symphoniaci Monacenses et chorus Gymnasii Pestalozziani Monacensis cecinerunt Veneris die vespere in maximo recentissimoque odeo Augustae. Cuius operis, per duo saecula inauditi, Valahfridus Stroh ipse eiusque alumni per urbem tantum praeconium fecerunt, ut odeum mille locorum refertum esset.

Gaius LICOPPE

INTER EXIMIOS LATINITATIS VIVAE FAUTORES

CHRISTIANUS HELFER

MELISSA vobis interrogavit Professore Christianum HELFER, qui certe de Latinitate Viva optime meritus est.

Ubi et quando natus es ?

Anno 1930o natus sum Plaviae Variscorum ; quae urbs Saxonica nunc in Democratica Republica Germanica sita est.

Quo in gymnasio fuisti discipulus ? Qualia secundaria studia perfecisti ? Didicistine tunc temporis linguam Latinam ?

Discipulus fui gymnasii Plaviensis, ubi prima linguae Latinae rudimenta posui. Ceterum eiusdem gymnasii magister exeunte saeculo proximo praeterito erat Eduardus Johnson, qui sub nomine "Capellani" lepidum libellum cui titulus est "Loquerisne Latine ?" edidit in lucem.

In qua studiorum universitate studia tua perrexisti ? Qualia studia fuerunt ?

In Universitate Erlangensi primum studiis philologiae classicae, quae vocatur, me dederam. Cum vero seminaria linguae Graecae cognoscendae -secundum proverbium quod est : Aurora habet aurum in ore- multo mane incoharentur, malui vestigiis patris ingredi et studiis iurisprudentiae incumbere. Quibus studiis finitis anno 1953o Bonnae doctor utriusque iuris creatus sum.

Quomodo factum est ut postea Brugae petivisses, ubi per unum vel duos annos in Collegio Europaeo remansisti ?

Annis 1957/58 Brugae in Belgio una cum 35 commilitonibus ex variis Europae civitatibus oriundis "Collegii Europae" sodalis fui, ubi problematis politicis, iuridicis, sociologicis Europae cunctandae studuimus cognoscendis.

Hocne in collegio primum percepisti linguam Latinam etiam nostris temporibus in Europa esse maximi momenti ? Erantne in hoc collegio professores, qui huius rei sibi conscii essent ?

Brugae cum de linguis officialibus Europae futurae disputabatur, Henricus Brugmans rector suasit, ut lingua Latina adhiberetur ad communicationem administrativam. Quam cogitationem forte incidentem mihi valde placuisse memini, quamquam omnibus eadem videbatur ad effectum adduci non posse.

Qualis postea fuit tuus cursus munerum ? Quando vocatus es ad cathedram Saravipontanam "Cultuum civilium Europaeorum comparandorum" ?

Studiis academicis in Germania Foederata et in Canada peractis anno 1962o in Universitate Gottingensi assistens academicus factus sum. Ibi anno 1966o habilitationem, quae vocatur, adeptus artem sociologicam per

aliquot annos privatim docui. Anno 1970o ad Universitatem Saraviensem vocatus sum, ut professoris munus in Ordine Philosophorum susciperem.

Talis cathedra videtur esse unica in Europa. Possitne fieri ut nobis adumbres quando, a quibus et quo in animo haec cathedra condita sit ?

In Saraviensi studiorum universitate post bellum finitum a Francogallis condit cathedram inveni institutam, quae olim disciplinae Gallicae cui nomen "Civilisation Européenne" destinata erat. Quae disciplina in Germanicis studiorum universitatibus extra Saraviam non repetitur.

Cur statuisti Latinitatem curare in cathedra tua, id quod, nisi fallor, non faciebant decessores tui ?

Quia Europaeorum cultus civilis per saecula positus erat in fide Christiana et Latinitate mihi persuasum erat studia neolatina cum finibus cathedrae meae bene congruere.

Quando et quomodo primum aliquid audivisti de Caesete Eichenseer ?

Anno 1975o legi de seminariis Latinitatis vivae, quae in actis diurnis Francofordiensibus laudabantur.

Quando Patrem Caelestem primum convenisti, interfuistine tunc temporis cuidam seminario ?

Anno 1976o primum seminario Latinitatis vivae interfui, quod Tutzingae in Bavaria habitum est Patre Caelesti Eichenseer moderante.

Cur Patrem Caelestem rogasti ut operibus cathedrae tuae Saravipontanae cooperaretur ?

Operae pretium mihi videbatur studiis neolatinis favere.

Quando et quibuscum statuisti commentarios Latinos Monaci editos, quibus titulus "VOX LATINA", Saravipontum in universitatem tuam transferre ?

Anno 1976o commentarios q.t. "Vox Latina" ~~scripsi~~ Saravipontum transferri proposui, ut sub auspiciis Universitatis Saraviensis augerentur et alerentur. Ex eo tempore numerus subnotatorum a quadringentis ad mille quingentos lectores auctus est.

Quando, quibuscum et quo in animo statuisti SOCIETATEM LATINAM condere ?

Societas Latina anno 1978o a nonnullis Latinitatis fautoribus condita est ut commentarii q.t. "Vox Latina" sedem editoriam haberent.

Tu, qui LEXICON AUXILIARE Theodisco-Latinum confecisti et anno 1982o primum edidisti, cuius editio valde aucta mox divulgabitur, amasne opera lexicographica? Incohavistine iam ante multum temporis indagaciones tuas lexicographicas ?

(sequitur p. 4)

Haec est pulchra historia quae male desinit!

Rem vero ab origine repetamus : Tempus fuit (anno MCMLXXXIII exeunte) quo usque ad nos Palenses commentarioli "M.A.S." editores epistula pervenit a quodam professore Fodiis in Italia meridionali docente ; qui se discipulos ad Latinitatem vivam adsuefacere cupere scribebat et rogabat exemplar commentarioli nostri (Unde hunc existere cognoverit nescimus). Ad hoc additur quod ille professor nobilissimo nomine "Cicerone" nominabatur : Rem veram referimus, non fabulam!

Exemplar videlicet misimus sine mora. Inde coepitae sunt epistulae Latinae satis frequentes commutari non solum inter nos professores, sed etiam inter discipulos Palenses in lyceo "Barthou" versantes et discipulos Fodienses in lyceo "Lanza" versantes.

Nihil miri igitur quod anno MCMLXXXIV exeunte discipuli Palenses investigationem in "M.A.S." edendam instituerunt qua condiscipulos Fodienses Latine interrogabant de eorum vita, studiis, urbe regioneque. Responsa Latina Fodienses remiserunt quae nuper in fasciculo X commentarioli "M.A.S." mense Maio huius anni MCMLXXXV edita sunt.

Interea mense Ianuarii huius eiusdem anni Vincetius Cicerone nobis laetantibus nuntiavit discipulos suos iam Latino sermoni satis adsuefactos velle iter hoc anno facere usque ad nostram urbem et amicitiae Italogallicae foedus sollemniter in praesentia icere et nostra Lycea geminare in Latinitatis nomine. Scribebant et venturi erant cum professore Cicerone ipso duo collegae eius et ipse Lycei Fodiensis moderator et XVI discipuli.

Ad tantam festivitatem Latinam celebrandam, omnia et in Italia et in Gallia professores discipulique diligenter et febriliter paraverunt : nam Itali et licentiam a suo Rerum Scholasticarum Ministerio petierunt via quae dicitur hierarchica, et phonocasetas impresserunt et miserunt, quibus nos Gallos Latine salutarent et iam nonnulla de se et de studiis suis praedicerent ; in Gallia invicem et discipuli quaesiti et inventi sunt qui domi hospites Italos accipere vellent (immo cum essent multo copiosiores quam Itali venturi, multis polliceri debuimus eos posse aliquando ad prandium cenamve viatores alibi acceptos invitare cum hospitibus) et hymnum Latinum ad iucundum amicorum adventum celebrandum paraverunt et convivium Latinum indictum est modo Apiciano, et burgimagister ipse exoratus et persuasus est ut in Municipali Curia vinum regionale "Jurançon" dictum, quo Henricus IV rex saeculo XVIIo iam gaudere solebat, obferretur Italis viatoribus cum crustulis.

Nec defuerunt discipuli qui, cum hac Latina amicitia inter gentes maxime incitarentur et laetarentur, directo telephonice amicos alienigenas trans fines vocarent, ut huius amicitiae Latinae primordia iam praegustarent.

Vae grapheocraticis tricis! Recte dicitur proverbium : portam itineri longissimam! Nam quamvis longum iter horarum XXXVI amplius Itali audacter suscepturi essent ad nos visendos, longior fuit profectionis porta : pridie indicti eorum adventus, cum Galli omnes spe tripudiarem, maestum telegramma a Fodiensi-

bus missum est : a Ministerio Publico vetabantur venire : causam istius prohibitionis cognoscere vultis? Haec sola causa fuit res unius diei : nam Fodienses ita indixerant iter suum ut Pali permanerent inter diem XXV et diem XXX (multo mane) mensis Aprilis ; at Ministerium vetat haec itinera scholastica extra mensem Aprilem protrahi ... Quid? (sic verisimiliter lectores mirantur!) Nonne licentia danda erat, cum iter esset usque ad diem XXX m. Aprilis? -Heu! viatores, quia Fodiae a Palo multum distant, domum redituri erant solum Kalendis Maiis : propter hunc unum diem, licentia negata est extremo tempore, tam sero ut non restaret otium ad dies itineris leviter mutandos et anticipandos!

Gemunt et irascuntur professores et discipuli ; lugent et succensent Itali et Galli. Nihil tamen contra agi potest!

Haec spes videlicet nobis restat ut proximo anno hunc amicabilem congressum ac Latinam geminationem efficere possimus. Difficultates certe haud paucas providemus : nam non eidem discipuli eisdem professoribus committentur, ideoque fere omnia, quae hoc anno impetravimus, frustra erunt atque a principio labores repetendi et sudores resudandi erunt! At Latinam fidem grapheocraticos montes sublevare posse perseveranter et audacter speramus.

Genovefa et Antoninus Immé.

CHRISTIANUS HELFER . (sequitur)

Anno 1979o Lexicon Auxiliare componere coepi ut Latine loquentibus verba satis apta suppeditarentur quibus res novas tractare possent. Opera lexicographica mihi placent, quia index vocabulorum ratione peculiaris speciem perfecti simul ac imperfecti praebet. Continet enim omnes alphabeti litteras sed singula verba ad arbitrium inseruntur et necessario obsolescunt. Quibus condicionibus inter se contrariis lexicographi alliciuntur.

Quid hodie censes de Latinitate Viva? Tuo sensu, fecitne nonnullos progressus?

Latinitas viva a multis linguae Latinae magistris non iam repudiatur quamquam censent eam ad institutionem puerilem non esse idoneam. Quod ad usum scholarem attinet, assentior iis, qui putant nunc in gymnasiis Latinae linguae addiscendae minus temporis relictum esse quam colloquia Latina haberi possent.

VERBORUM INTENDORUM SOLUTIO quae proposita sunt in numero 6

DESIDERAS
IX M M IT
SCIPIO TU
CITERIA L
ITURI NAT
PARISIACI
URAT S T
LA APTARI
IMBECILLA

Curae de Ordinanda Europa.

UNIO EUROPAEA FEDERALISTARUM.

Ludis Latinis Augustanis forte convenimus Rainundum Fleischmann, Bavarum, qui sedulo Dr. P. Caelestis Eichenseer scholas autemeridianas participabat. Nobis narravit se sodalem esse cuiusdam consociationis, cuius cura est: quomodo singularitates omnium Europaeorum gentium, etiam minimarum, servare in Europa necessario confoederanda. Ipse sodalis est partis Bavaricae illius consociationis. Eum tunc rogavimus ut aliquid pro Melissa conscriberet de illa consociatione eisque propositis, id quod benigne et diligenter fecit:

Cum "MELISSAM" primum viderem - Augustae enim Vindellicum ludos Latinos clarissimos participavi et cottidie, sicut Dr. Gaius Licoppe, interfui coetibus antemeridianis ubi P. Caelestis Eichenseer introductionem in usum sermonis Latini faciebat - valde miratus gavisusque sum, quod Melissa non ad unam tantum nationem pertinet, sed est vere Europaea, ut iam ex titulo patet: "Europaea folia...". Cur hoc in medium proferram rogabit. Complures causae exstant.

Primo quosdam philologos Germanos, auctoritate praeditos, novi, qui dicerent tot homines studiis humanitatis eruditos secundum bellum mundanum prohibere non potuisse et hac de causa post bellum studiis humanitatis latinitatique detrimentum non parvum allatum esse.

Tum facere non possum, quin iterum de Gaio Licoppe et Melissa numero sexto commemorem, cuius in prima pagina legitur: "Si nunc ad philologos Latinos spectamus, vidimus plerosque intra exiguam specialitatem manere, timentes ne quemquam offendant. De phitisi latininitatis publice dolent et crocodili lacrimas effuse profundunt, sed iis, qui morbum curare volunt, nullum afferunt auxilium, quin etiam eorum consiliis officiant."

Maxime denique Melissa Europaea folia salutavi, quod iam ab adolescente de Europa confoederanda cogitabam et sodalis factus sum consociationis

-quae appellatur "Unio Europaea Foederalistarum" (Union Européenne des Fédéralistes/Union Europäische Föderalisten),

-quae Lutetiae Parisiorum post secundum bellum mundanum anno MCMXLVI condita est,

-quae pro reconciliatione Europae gentium, pro Unione Europaea, pro futura civitate Europaea (aut, si mavultis, pro "Civitatibus Europaeis Coniunctis") omnes vires opesque devovet utens ad eum finem foederalismi fundamento (excusate, si id quod ea foederalismi notio significat vobis infra continuo explicabo),

-quae sedem Bruxellis in Unionis Europaeae aedibus habet et lustris praeteritis 11 partes vel societates complexa est: Austriacam (Europäische Födera-

listische Bewegung), Britannicam (European Movement) Danicam (Europaisk Samling Danmark), Francogallicam (Mouvement Fédéraliste Européen), Helveticam (Europa Union Schweiz), Hispanicam (Union des Fédéralistes Européens d'Espagne), Italicam (Movimento Federalista Europeo), Luxemburgicam (Union Europäische Föderalisten Luxemburg), Nederlandicam (Europese Beweging in Nederland), Germanicam (Europa-Union Deutschland) et iuniorum consociationem (JEF = Jeunesses Européennes Fédéralistes/ Junge Europäische Föderalisten).

Earum partium iterum Germanica pars undecim regiones possidet (verbi gratia, regio Bavariae plus quam sex milia sodalium enumerat),

-in qua igitur omni civi administer et socius esse licet et in qua denique democratiae-sociales, liberales, christiani aequae subsidia ad finem communem destinata contribuunt et omni modo salutem communem adjuvant.

Ac si nunc in exponendo foederalismo illo plura dicere videbor, ignoscitote; nam haec foederalismi imago vel informatio duo argumenta amplectitur: et foederalismum rei publicae et foederalismum civium vel societatis hominum.

Rei publicae foederalismus nobis hanc structurae rationem exponit: Complures civitates (aut gentes) minores ad maiorem rem publicam formandam vel aedificandam coniunctae sunt non amittentes proprietatem suam (singularem naturam) neque perdentes iura officiaque ad bene vivendum necessaria (exempli gratia, res publica Helvetica ex partibus Francogallicis Italicis Germanicis constans).

Itaque, ratione adhibita, quae etiam subsidiaritatis ratio (Subsidiaritätsprinzip) appellatur, ei rei publicae novae et maiori nulla negatia administranda, nulla munera operaque perficienda, nulla imperia suscipienda sunt nisi ea, quae illae civitates veteres minoresque ipsae peragere non aut non satis possunt (verbi gratia, complures regiones vel civitates minores communiter parant, quae usui sunt ad defendendam omnium civium libertatem). Civitatibus minoribus porro autem facultas aut potestas obtinenda est, ut magistratus eam rem publicam maiorem gubernantes custodire possint. Ac haec vere divisio potestatis auctoritatisque iterum atque iterum probata est remedium valens contra vitium potestate prave perversequae utentium.

Nunc ad civium sive societatis hominum foederalismum pergere possumus, qui, fundamentis iurum communium positus, singulorum hominum libertatem servare debet aequae ac servatur consociationum facultas suo arbitrio agendi. Haec etiam foederalismi ratio omnes humanas actiones moresque mutare et novas societatum,

IOSEPHI VENTURINI CARMEN.

Iosephus Venturini poeta Italus, cuius carmen Aurora consurgens inscriptum primum edendum curavimus idemque Melissae legentibus evolvendum proposuimus, anno 1914o in urbe Castro Bononiensi (Castel Bolognese) natus annoque 1931o Societatem Iesu est ingressus. Qui cum studia perfecisset annos circiter triginta adulescentes Graece Latine Italice erudit. Interea autem et cum Camena se oblectavit et in litteris Neolatinis (quae dicuntur) multum diuque est versatus. Approbantibus enim atque applaudentibus Antonio Bacci cardinale ut ita dicam Ciceronianissimo (+ 1971o) et Victorio Genovesi vate (+ 1967o), Iosephi carmina auream Latinitatem redolentia in commentariis q.t. Latinitas magnam partem sunt divulgata; de monumentis autem Neolatinis cum complures lucubratiunculas conscripsisset, bene est meritis; nam, ne singulas afferam, de Famiani Stradae Prolusionibus Academicis et de Gaspere Tribracho poeta Mutinensi fusius egit, atque de Pascolio Latino dissertationem controversiosam anno 1969o foras dedit. Novissimis vero commentationibus litterae Italicae a Iosepho Venturini nunc Florentino tractari sunt coeptae.

Theodericus Sacré

(Fundationis scientiis provehendis Belgicae soc. pr.)

AURORA CONSURGENS

(Cant. VI, 9)

"Insano quidnam curarum turbine, Virgo,
mortales agimur vastoque revolvimur aestu
divitias inter fluxas fastumque superbum?
Quid ruit in vitium nullo natura labore
dum vorat hicⁿ flammis animos malesana cupido,
anxius hinc belli populos timor opprimit omnes?
Scilicet ense petens gentes urbesque potentes
barbarus advenit Scythicis bellator ab oris.
Mille ferox miseris populorum cladibus horret
10. metiturque animo Hesperiam collesque Quirini
improbis et spoliis iam nunc exsultat opimis,
humani exitium generis. Iam diruta saevis
Sauromatum manibus caelo mille oppida clamant
templaque magna ruunt Patris disiecta Superni.
Vela dabit semper Scythico fortuna tyranno?
Eia age, rumpe moras dirosque repelle furores,
ardua ne duro volvantur saecula ferro.
Te pietas, te, Virgo, fides violata precantur:
Ausoniae tuteris opes orbisque salutem!
20. Hic curae, hic animus! Victricia tela ministra!
Proteris invictas felici Marte catervas;
agmina et Ismaricae fugient, te vindice, gentis
silvarum capreis trepidisque simillima cervis".

Haec agitans animo, votis precibusque solutis,
Virginis in pulchra defixus imagine ploro,
doctis quae manibus mire depicta renidet.
Comprimat illa caput pedibus metuenda colubri
Aligerique canunt Sobolem de milibus unam,
quam Pater Omnipotens legit Natoque parentem
30. esse dedit, patrum a primaevae crimine puram.
Interea nox alta silet: non ulla per aulas
vox dudum resonat lautisque exercita mensis
iam famulum procerumque cohors se condidit ultro
mollibus in lectis et fractus recreat artus.

"Insuper ecce phalanx Erebi furialiter arma
destringit diro superos perrumpere ferro
decertatque sacris populum detrudere tectis.
Denique nulla salus Christi cultoribus ultra,
nulla quies: leto semper gravis imminet hostis!

40. Ergo, Diva potens, primaevae nescia culpae,
nequiquam miserata vices hominumque labores
per Phatimae puerum Lusitanasque puellas
laberis in terras Domini latura salutem?
Ergo nequiquam roseas inducere plantas
te iuvat dumis squalentia et antra subire,
quo strepit illimis sinuoso tramite Gavus
alloquioque pio agrestem docuisse puellam
et nova caelestis dudum spiracula lymphae
ostendisse viris hominum genus unde levamen
50. et peteret morbis mortemque avertere posset?
Ergo haec vel superis spectanda, haec incluta cuncto
Christiadum generi rerum miracula, Virgo,
paucorum ob rabiem vesanae mentis iniquam
in caenum commota ruent impune cadentque?
Posthac non liceat festis advolvier aris
aut tua votivis cumulare altaria donis
templaque claudentur sanctis iam pervia turris
neve dabunt caeli subvectae ad sidera turres
aere sonum laeto populumque ad sacra vocabunt?
60. Heu scelus! At Stygiis effusum hoc aedibus agmen
frustra conatur vulnus iactare cruentum
credula blanditiis colubri quod detulit Heva!
Nam tu, quae peragrans mortali corpore terras
nullis aligeros maculis obnoxia praestas,
arcebis facinus caenique piacula nostri
unde lues scelerata viros, unde horrida mundum
infecit tabes penitusque iniecta medullis
perfurit et miseros misere depascitur artus!"
Talia perstabam memorans cum Virgo repente
70. visa est, dulce caput rutilis redimita coronis,
flavescentes effusa comas, fulgere per umbras.

- Contremuere domus; quin motis cornibus ara
exsiluit, magno sonuerunt templa fragore.
Ludimur? an mens vana sibi praesagia fingit?
Aduit et sancto firmavit numine vota
auguriis dictisque fides ne forte laboret.
Scilicet invisam terris excindere gentem
maturant superi bellique evertere molem.
Sed iam pulchra dies perstrinxit lumine caelum
80. noctis aves dulci rupere silentia cantu
fulseruntque novae templi per vitreae lucis.
- "Diffugiunt tenebrae lumenque aurora reducit
cum memor advolitans eversum fama per orbem
te, Regina potens, iterum sine labe salutatur
ut populi valeant optata pace potiri.
Ite procul, lites: nostras pax alma revisit
terras gensque hominum, duris exercita fatibus,
munere moesta tuo dissolvat pectora curis
atque novum condent Itali virtutibus orbem.
90. Namque domus propriae sedem decernis amoenam
hactenus Italiam, praeclaris artibus auctam,
quam non vernantes tenuerunt palmitum colles
Ziphae, non patulis Libani iuga consita cedris,
non Galilaea frequens populis Solymaeque virent
Caelituum en turmae sacram - quid Nazara luges?
aedulam per vasta ferunt plaudentibus alis
aethera perque cavas nubes, dum concita ventis
aequora nequiquam reboant tellusque remugit.
Cuncta silent subito fugiuntque per aethra nimbi
et circum radiis collustrant sidera noctem.
100. Sicque minis pulsus, dirus quas iactat Avernus,
hanc laeti superi excipiunt; hanc, candida Virgo,
arces ne cursu properet praevertere ventos;
hanc felix sidusque novum mirantur anhelum
lugentes populi et discunt confidere rebus.
Qua parte Italiae prospectant litora fluctus
Adriacos, gaudente polo, terrasque Liburnas
adsurgit clivus redolens ubi plurima laurus
luxuriat frondesque virent in vertice semper:
110. inde vocant ipsum Laureti nomine gentes.
Constitit hic tandem fatibus pulcherrima sedes
- ominis et tanti propere iam fama vagatur
trans mare, trans Alpes gelidas Italasque per urbes
Undique visendi studio nemus impetit altum
turba frequens terras etiam quae liquit Hiberas
quaeque bibit Tamesam, Rhenum lymphasque Garumnae.
Saepe ipsi reges venerati limina sacra
exsultant donis templumque attollere certant.
Munere pro parvo grates persolvit opimas,
120. Virgo, et cum turba hic variis aegroribus acta
exposcit praesens rebus solamen in arctis
- hic oculis capti affusa caligine et orti
indociles fari vocesque exprimere lingua,
hic pedibus claudi, hic exesi membra dolore
et maxime aut longo confecti pectora tabo -
protinus experti divam venerabilis aulae
virtutem sensere alacres in corpore vires.
O quoties, Mater, sancto sub fornice tecti
intonuit caeleste tuum laudabile nomen
130. et visa es placido vultum componere risu
florentesque Italos oculis spectare benignis
mille faces inter claros et lumine lychnos!
Quos tu, namque potes, magno tutamine, Virgo,
serva et despiciens auratis pulchra columnis,
ceu noctem exundat radiis rutilantibus astrum,
divitias pacemque bonis donabis amicam
effundesque novum decus et nova robora membris
foetida ne perdant veteris molimina poenae,
quae rapit in vetitum cunctos stimulisque suburget".
Excitior sonitu, referunt dum tinnula circum
aera diem Dominae prisco sine crimine festum;
adstare et videor tempus in penetralibus alti,
concita quo Divae Matris pietate Quirini
urbs alma occurrit septenis arcibus ultro.
Tum vero ingeminant plausus nomenque Mariae
tollitur ad pulchras radianti lumine sedes.
Quo fremitu, tremor ossa vagus pallorque protervis
occupat ora gelu certa excussa ruina
impia desperant aeternam saecula pacem.

NATALE SOLUM


Mens mea montivaga est: lumen de lumine quaerit,
astra pererrat, amans volitat super orbis amores,
sed pacem reperit solvitque aenigmata tota
collibus in celsis ubi primum exercuit alas.

Iosephus Tusiani Neo-Eboracensis

Fons siccus

Ultimae guttae saliant sonorae,
deinde sub terra pereunt silenti:
vita sic finit, moriente cantu,
casta poetae.

Iosephus Tusiani Neo-Eboracensis



Ante nonnullas septimanas Lambertus PIGINI, praeses domus editoriae, cui index "EUROPEAN LANGUAGE INSTITUTE", iter Bruxellas fecit. Qua occasione data, MELISSA eum iucunde convenit et vobis coram interrogavit de periodicis libellisque Latinis, quos edendos curat.

Dominus Lambertus PIGINI, qui est sacerdos, totum se dedit iuvenibus educandis erudiendisque. Quare ante decem circiter annos in urbe Recanati, media in Italia sita, domum editoriam condidit ad opera didactica excogitanda et divulganda. Ante quattuor annos voluit etiam linguae Latinae docendae suis adiumentis institutoriis favere. Tunc temporis, id est mense Augusto anni 1982i, eum primum conveni. Una enim intereramur feriis Latinis in Carinthia (Austria). Ibi participibus exhibebat commentariolos periodicos, quibus titulus "Iuvenis", ineunte eodem anno creatos.

Anno 1983o Lambertus Pugini primo seminario Belgico, Vestendae habito, interfuit. Nemo participum eius oblitus est. Etsi eius sermo Latinus plerumque nimis Italicus audiebatur, maxime tamen placuerunt eius facundia perpetua atque hilaritas contagiosa. Eodem anno translationem Latinam celeberrimi Walt Disney operis "Donald Duck", a Iosepho MIR factam, in lucem edidit, cui titulus "Donaldus anas atque nox Saraceni".

Anno 1984o praeter "Iuvenis" fasciculos, alteros commentariolos menstruales, quibus titulus "Adulescens", divulgare coepit, iunioribus aptos.

Commentarioli, iisdem imaginibus illustrati, sub diversis indicibus, compluribus linguis eduntur: Anglice, Francogallice, Theodisce, Hispanice, Italice, Hebraice necnon Arabice.

PULLUS FARCILIS

quomodo haec Apiciana compositio effici possit:

Pullum expeditum comparabis.

Ad fartum parandum colliges:

- 350 gr pulpaes caesae
- 3 cochlearia alicae, quam in 200 gr aquae elixabis
- parum piperis triti
- pauca ligustici folia caesa
- 1 cochlear gingiberis (vel zingiberis vel zinziberis)
- 1 porci cerebellum (circiter 350 gr) elixum
- 1 ovum crudum
- 1 cochlear liquaminis
- 1 cochlear olivi

Quibus omnibus bene commixtis pullum implebis, quem in furno (circiter 200°) sesquihoram coques.

Gustate et gaudete

AELIANA.

Subnotatorum numerus est circiter decem milia in Italia, viginti milia ceteris in regionibus.

Complures libelli imaginum nubecularum nunc perfecti sunt et veneunt:

- "DONALDUS ANAS ATQUE NOX SARACENI", interprete P. Iosepho Mir,
- "MICHAEL MUSCULUS ET LAPIS SAPIENTIAE", interprete A. Carolo Egger,
- "DONALDUS ANAS ET ACTIONES FIDUCIAE", interprete P. Iosepho Mir,
- "SCRUGULUS ET RADIUS CONTRA PROCELLAM", interprete Vidone Angelino,
- "POPEIUS - SIVE DE CIRCI MYSTERIO", interprete A. Pacitti,
- "INSUPERABILIS SNUPIUS", interpretibus Vidone Angelino et P. Iosepho Mir.

Etiam mox edetur "IESUS NAZARENUS", interprete P. Iosepho Mir.

Nuper moderatores periodici Italici "LE OPERE E I GIORNI" scriptum divulgaverunt de Lamberti Pugini editionibus Latinis, sub titulo "Il Latino: Si!" Quo in scripto, inter alia legimus haec:

- In Foederatis Civitatibus Americae intra quinque superiores annos quintuplex factus est numerus scholarium qui examina Latina (National Latin Examen) subeunt.

- Communitas Europaea oportet habeat linguam propriam. Quae tamen lingua? Theodisce loquuntur circiter 69 miliones Europaeorum, Italice 57 miliones, Francogallice 58 miliones, Anglice 58 miliones. Neque linguae Theodiscae neque Italicae ulla spes videtur fore quae eligatur. Magna sed vana conamina faciunt Francogalli, ut eorum lingua in usum communem Europaeorum veniat, nitentes in eius pristina praestantia. Augetur in dies usus linguae Anglicae, sed tantum quia est Foederatarum Civitatum Americae instrumentum unicum communicationis. Americani praepollentes, suam linguam ceteris volentibus nolentibus imponunt, ut solet similibus in condicionibus. Unde Europaeis oritur magnum, difficile etiam vitale problema, quod tantum usu communi linguae Latinae expediti potest.

Antonius Burgess, notus Anglus scriptor, cum in conventu Venetiis nuper habito acroasin habebat de "Identitate culturali Europae", autumavit Europam ad Latinum redire debere patens omnibus neologismis atque necessarium esse linguam Latinam ut linguam vivam in scholis discere. Antonius Burgess repetere solet "Medii Aevi monachos Europam salvam conservavisse propter ea quod eam ad cultum civilem et linguam Latinam reduxerunt. Idem hodie nobis faciendum est".

Linguam Latinam docentibus maximo honori sit novam Europaeam aetatem praeparare!



ITALIA - ELI - EUROPEAN LANGUAGE INSTITUTE 1984, P.O. Box 6, 62019 Recanati. Tel. 071/976465-976466. Telex 560322
 FRANCE - publié par MLI - 54 Rue de Bourgogne F - 75007 Paris. Tel. 705.03.99.
 GREAT BRITAIN - CHAMBERS LTD. PUBLISHERS - 43-45 Annandale Street, Edinburgh EH7 4AZ. Tel. (031) 557-4571
 U.S.A. - MIDWEST EUROPEAN PUBLICATIONS, INC., 915 Foster St., Evanston, IL 60201 - Tel. (312) 8666262 - Telex 256262
 ESPAÑA - PERIODICOS EDITORIAL CLARET, S.A. - Roger de Lluria, 5 - Barcelona 10. - Tel. 3010887
 BELGIQUE - DIANE LICOPPE, Avenue de Tervueren, 76 - 1040 Bruxelles
 SUISSE - ALKA DIFFUSION - Chemin du Boisy 49 A - CH-1004 Lausanne - Tél. 021/363720 - Tx. 25749.
 SINGAPORE - CAESAR CUPIDO, 1 Bonham Street, #21-02, UOB Building - Singapore 0104 - Tel. 918244 (2 lines) / 5335677.



ERSTE LEHRSTUFE IN FRANZÖSISCH
PREMIER DEGRÉ EN FRANÇAIS
PRIMO LIVELLO IN FRANCESE



ERSTE LEHRSTUFE IN ENGLISCH
PREMIER DEGRÉ EN ANGLAIS
PRIMO LIVELLO IN INGLESE



DRITTE LEHRSTUFE IN ENGLISCH
TROISIEME DEGRÉ EN ANGLAIS
TERZO LIVELLO IN INGLESE



ZWEITE LEHRSTUFE IN ENGLISCH
DEUXIEME DEGRÉ EN ANGLAIS
SECONDO LIVELLO IN INGLESE



ALLGEMEINE LEHRSTUFE IN SPANISCH
DEGRÉ UNICO EN ESPAGNOL
LIVELLO UNICO IN SPAGNOL



DEUXIEME LEHRSTUFE IN FRANZÖSISCH
DEUXIEME DEGRÉ EN FRANÇAIS
SECONDO LIVELLO IN FRANCESE




ERSTE LEHRSTUFE IN DEUTSCH
PREMIER DEGRÉ EN ALLEMAND
PRIMO LIVELLO IN TEDESCO



ZWEITE LEHRSTUFE IN DEUTSCH
DEUXIEME DEGRÉ EN ALLEMAND
SECONDO LIVELLO IN TEDESCO



ALLGEMEINE LEHRSTUFE IN ITALIENISCH
DEGRÉ UNICO EN ITALIEN
LIVELLO UNICO IN ITALIANO



ERSTE LEHRSTUFE IN LATIN
PREMIER DEGRÉ EN LATIN
PRIMO LIVELLO IN LATINO



ZWEITE LEHRSTUFE IN LATIN
DEUXIEME DEGRÉ EN LATIN
SECONDO LIVELLO IN LATINO

SEMINARIA LATINITATIS VIVAE

-BOTTROPII [Bottrop], in urbe Rhenaniae Vestfalicae.
Quod seminarium moderabitur P.Dr.Caelestis Eichenseer
per duas septimanas, a die 21/7 in diem 3/8 1985.

De quo interrogandus est: Rochus Habitzky
Albertus Magnus Strasse 7
D-4100 Duisburg 25-Huckingeb
Tel. (0203) 78 14 30

-SELESTADII in Alsatia. Hoc seminarium eodem tempore
ac Bottropiense habebitur, id est a 21/7 in 27/7/85;
quare eius moderatores erunt Prof. Andreas Fritsch
et Nicolaus Gross. De quo epistulae interrogatoriae
mittantur ad sedem Vocis Latinae:

Vox Latina Universität-FR 6.3
D-6600 Saarbrücken 11

-VESTENDAE in Belgica (cfr. notulam infra)

-HELVEVICUM seminarium nunc primum habebitur in loco
Morschach; quod moderabitur P.Dr.Caelestis Eichenseer
a 29/9 in 5/10/1985. De quo interrogandi sunt:

Erika Roth Martinus Meier
Aeschistr. 6 Nassegasse 14
CH-3110 Münsingen CH-3302 Moosseedorf (BE)
Tel. 031/920823

TERTIUM SEMINARIUM VESTENDENSE

habebitur iisdem in aedibus "Zon en Zee" a die 17^a in
diem 24^m m. Augusti a^o 1985^o.

Dr.P.Caelestis EICHENSEER sua solita methodo iucunde
docebit sermonis Latini usum cottidianum. Cum parti-
cipes ex multis regionibus convenire solent, facile
percipitur quantum valeat lingua Latina ad commercium
inter gentes, quarum sermones patrii dissimiles sunt.
Invitantur universitatum alumni vel etiam scholarum
discipuli, qui per nonnullos annos linguae Latinae
discendae iam studuerunt.

Invitantur magistri magistraeque linguam Latinam do-
centes. Facile Latine loqui addiscunt, id quod ple-
risque maximo gaudio et utilitati est. Ceteris sunt
optimum exemplum.

Invitantur etiam omnes qui linguam Latinam colunt et
censeant illam optimum, quin etiam necessarium, unio-
nis vinculum fore inter gentes Europaeas.

Inter colloquiorum Latinorum exercitationes et ver-
borum recentiorum explicationes, participibus licebit
frui litoris amoenitate et ludicris actuositatibus,
quae in ipsis aedibus proponuntur, ut taeniludus, na-
tatio(sub tecto vel sub divo)...

Notandum est aedes "Zon en Zee" aptas esse ad fami-
lias per ferias accipiendas. Quare participes sine
molestia familiam secum adducere possunt. Familiae
pars, quae sessiones Latinas non participat, ludicra
vel athletica otiose exercere potest.

Excursio unius diei fiet ad Ypram et Dammam invisen-
dam, Paulo Elsen mystagogo Latine ducente.

Pro hospitio, alimonio usuque ludorum athleticorum
solvendi erunt 800 Fr.B. cottidie. Pro institutione
120 D.M. mittendae erunt ad VOCEM LATINAM.

FERIAE LATINAE



FERIAE LATINAE IN SEDE "SOPHIA ANTIPOLIS"

-SOPHIAE ANTIPOLI (Antibes) in Francogallia
a 2/7 ad 9/7/85, de quo scribendum ad
M.C. Desessard Résidence des Collines, C.9
rue Léo Brun F-06210 Mandelieu

FERIAE LATINAE IN DOMO INSTITUTIONIS "SODALITAS" TINJIS 16. - 26. Julii 1985

kat. dom prosvete Sodalitas
A - 9121 TAINACH / TINJE
Carinthia, Austria. Tel.: (0.42.39) 26.42

FERIAE LATINAE IN ABBATIA S.ORD.CIST. STIČNA 4. - 11. Augusti 1985

Cistercijanska opatija Stična
YU - 61 295 IVANČNA GORICA
Slovenija, Jugoslavija. Tel.: (0.61) 783.10

FERIAE LATINAE IN DOMO ORATIONIS GETSEMANI SYRACUSIS 22. - 31. Augusti 1985

Casa di preghiera GETSEMANI
Suore della Misericordia e della Croce
Via Serradifalco, 1
I - 96 100 SIRACUSA
Sicilia, Italia. Tel.: (0.931) 5.44.44

De quibus feriis epistulae interrogatoriae mittantur
ad Professore Suidbertum H. SIEDL O.C.D.
Gyllenstorm-str. 8 // A-5026 Salzburg-Aigen (Austria)

NIHIL AGERE VEL TEMPUS TERERE

Feriis nostris Latinis iucundissimo
certe fruemur otio quo tamen non
abutemur ad nihil agendum, sed quo
sedulo utamur ad studiose fructuoseque
laborandum. Est enim in nostro pro-
grammate magna varietas rerum quibus
nos omnes actuose participemus oportet.

* imprimis unusquisque brevem (saltem
unius pagellae) sermonem Latinum jam
domi paraverit quo seipsum apud
ceteros introducat; quando, quo
loco, qua natione sit natus, quae
studia perfecit, quo munere vel
officio nunc fungatur, tandem in
fine quomodo de Feriis Latinis
audiverit; quae omnia facili et
perspicua Latinitate - omni "error-
um" metu posthabita - unusquisque
vestrum nobis omnibus narrabit;

rerum oeconomicarum, humani cultus structuras creare vult. Nam principia eius rationis sunt semper et mores sociales benevolique (solidarité) adversus varios consociationum institutorumque gradus efficiendi et libertas, qua hominis progressus effici possunt et eius facultates augentur auxilio quoque omnium societatum in quibus vivit allato.

Plura de iis rebus scribere possem, sed nunc, cum foederalismi "primam lectionem" legeritis et bene concoxeritis - spero me eas res aliquo modo satis dilucide apteque ad vescendum paravisse - ad Unionem Europaeam foederalistarum revertor, quia in extremo retinere volo eam consociationem ipsam omnes consociationes congregationesque Europaeas aut pro Unione Europaea sententiam ferentes strenue adiuvare. Quibus ex omnibus causis positionibusque iamdudum amicis inclamare soleo: "Ceterum censeo Europa (Unione Europaea) crescente neque linguam communem possidente et tot gymnasiis Europaeis Latine docentibus CONSOCIATIONEM LATINITATIS EUROPAEAM (CLE) nunc maxime necessariam esse!"

Valete, Lectores honorabiles, et nos litteris certiores facite quid de hoc censeatis, quod si vobis operae pretium esse videtur!

Raimundus Fleischmann
Simbacensis (BAVARIA)

basilica Sanctae Sabinae, Romae, fidem catholicam est professus. Deinde theologiae operam dedit in "ANGELICUM" universitate dominicana et doctoratum, anno 1906, adeptus est.

Patriam reversus, apostolatam viri laici exercuit inter pauperes urbis Bucarestiorum, sed, bello universali saeviente, in Italiam reversus, deinde in Franciam, anno 1923, sacerdos est ordinatus, Parisiis, sub titulo dioeceseos Bucarestiensis, cum licentia utriusque ritus, vel Latini, vel Daci.

Domicilium obtinuit apud benedictinos Parisienses (3, rue de la Source), sedem confessionum in ecclesia extraneorum (rue de Sèvres). Hospitium instituit, in suburbio Parisiensi nomine Villejuif, ad scrutarios et vagos evangelizandos, gubernio publico tecta praebente.


Otia quoque sibi servavit scribendi libros spirituales, ut "La Présence de Dieu" et "La Souffrance".

Miseriis patriae suae tractus eamque reversus, cum haec facta est, anno circiter 1947, "democratia popularis", apprehensus est et, ut fama est, varie cruciatus, in carcere Bucarestiensi defunctus est, die 16 mensis Maii, anno 1954.

Dionysius LEPOUTRE.

QUAE A FUNDATIONE MELISSA PETI POSSINT

MELISSAE EMISSIONES LATINAE




Prima phonocaseta unius horae perfecta est.

Si quis nunquam Latine loqui audiverit, auscultet complures locutores ex diversis regionibus oriundos. Materia est varia. Praecipue tractatur de primis emissionibus radiophonicis Latinis et de Ludis Latinis Augustanis. Pars etiam dedita est textibus classicis.


Pretium phonocasetae est 250 Fr. B., inclusis sumptibus cursualibus.

Quo opusculo, quod conscripsit Gaius LICOPPE et diligenter emendavit Dr P. Caelestis Eichenseer, adumbrantur geographia et historia litoris Belgici. Pretium est 120 Fr. B. inclusis sumptibus cursualibus.

Rudens



RUDENTIS operis cinematographici omne genus videocasetarum peti potest. Litteras interrogatorias ad Melissam mittantur.



LATINE LOQUI



Hoc adhaerenti pittacio significare poteris te Latinitatis Vivae cultorem esse. Unus venit 50 Fr. B. - Tres veneunt 100 Fr. B.

Pecunia solvenda mittatur ad computum mandatorum cursualium Bruxellensem (C.C.P. Bruxelles), cui titulus " AMICI MELISSAE" et numerus 000-1484533-45.